

兵部則例



兵部則例

武選清吏司

職制四

一保舉事例康熙四十七年議準福建廣東二省武進士舉人生監民人內有練習水師事宜願隨官兵出洋巡哨効力者該督撫預先列名咨部果能擒盜立功保舉引

見叙用○雍正三年議準各省武職各官有例應題補者該督撫提鎮分別水師陸路將見任屬官內擇其才守兼優勤慎奉職或洞悉水師事宜



者預行公同保舉其有事故者除失察大盜革職畱任戴罪圖功不準保舉外如係降職降級住俸降俸及承追督催未完案件均於保舉本內聲叙由部覈明引

見未滿三年與例相符者均題明注册其未經引見及引

見已滿三年者均題明調取引

見陸續送部恭候

欽定注册俟有本省員闕應題補者各按應升之官掣籤補用○五年

諭

各省副將叅將著該省督撫提鎮會同分別列為一等二等三等出具考語密咨兵部將履歷年歲籍貫繕摺進呈其副將叅將中有曾經特用及該上司題升者亦皆仍分別等次出具考語一體咨部務期秉公據實毋得瞻徇情面欽此○六年

諭

朕前降旨令各省督撫提鎮將副將叅將分別列為一等二等三等出具考語密咨兵部繕摺進呈但思人之存心行事亦有先後易轍者若以等次考語既定不便改易則身列優等者或有自恃妄為之心而身列下等者不復有奮勵上進之念非隨時造就之

道也。若再行文督撫提鎮等。若咨部之後。該員或怠惰前修。或悔改舊習。雖無功績劣跡。不至於保薦參處者。則亦當優等降為劣等。劣等升為優等。若督撫提鎮據實移咨兵部。不必作難回護。若前任上司所定。而後任有應當更改者。亦照此咨部。不必執一著將此通行各省武職等。皆令知之。欽此。○十三年奉旨。水師各官員闕。皆關緊要。見在通曉水師可以補用者甚少。爾部行文福建廣東總督。於千總內簡選熟諳水師者。福建省著保舉六人。廣東省著保舉四人。送部授為藍翎侍衛行走。以備簡選水師之用。○乾

隆六年奉

旨。副參等分別等次之處。歷年各省咨部具奏者。皆不畫一。且各該員新舊不一。復不時升調。若不定以限期。各省督撫勢難遵行。嗣後著以五年舉行一次。永著為例。○又奉

旨。各省副將參將。從前曾降諭旨。令督撫提鎮會同分別等第。五年舉行一次。見在陸續咨部。著將所保一等之副將參將。皆送部引見。永著為例。○又奏準。直省副將參將。該督撫提鎮分別列為一等二等三等。其漢軍將軍標副將參將及巡捕

營叅將由該將軍統領分別等次亦於五年舉行一次○又奏準副將叅將列爲一等者調取引

見如蒙準其一等注冊遇有各省總兵官闕將應升人員照例開列具題仍將保舉一等之副將繕摺隨本進

呈副將員闕亦將應升人員照例開列具題仍將保舉一等之叅將繕摺隨本進

呈○九年奉

旨著各省總督巡撫提督於所屬副將內慎選可勝

總兵之任者秉公保舉具奏○又奉

旨各省督撫提督保舉能勝總兵之副將朕皆降旨令送部引見但此等保舉之副將一省中或有數人若一時送部則營伍辦事未免乏人著各該督撫提督斟酌先後陸續送部引見○十年議準各省預保各官有已過三年未經升用者令各該督撫提鎮詳加考驗甄別如果堪升用出具考語咨部仍照例掣補其有弓馬技藝不如從前辦理營伍並無進益及年力已非精壯不堪升用之人即咨部注銷○又奏準乾隆九年議定

陝甘二省及四川松潘一鎮守備員闕係在外題補者第一次用旗員第二次掣用預保千總第三四五次於候補人員內簡選題補至四川通省各標協營守備未經分用旗員者遇有題補之闕第一次歸預保千總掣補第二三四歸候補之人題補在案今察各省候補之人甚多亦必與預保千總分用始得均平嗣後除陝甘二省松潘一鎮仍照九年之例分用外其各省候補守備與預保千總照四川通省補用守備例第一次歸預保千總掣補第二三四次歸候

補人員題補再有員闕照此分用○十一年奉旨各省叅將例應將軍督撫提鎮分別等次五年舉行一次送部引見今屆舉行之期除照定例舉行外著各省將軍督撫提鎮於所屬叅將內擇其可勝副將之任者秉公保舉具奏將所保之人酌量送部引見以備朕陸續委用○又奏準各省保舉之一等副將一等叅將若前因保舉總兵副將已經引

見者皆在

聖明洞鑒之中如引

見未滿三年均免其送部於密咨到部時將該員保舉總兵副將會經引

見并所奉

諭旨聲明具奏即將一等注冊○十四年奉

旨從前朕曾降旨令各省督撫提督於所屬副將內保舉堪勝總兵官之人經各督撫提督陸續保奏朕調來引見人皆平常並無傑出之才朕於其中簡擢數人亦祇將就錄用總兵官為將領之統率必須才具出眾乃能勝任今遇員闕一時難得其人著該督撫提督再於所屬副將內擇其實在堪

勝總兵官者各保二三人倘副將內乏人即於叅將內選擇亦可該督撫提督不得以中平之人濫膺茲選亦不得因朕有此旨遂委之無人以圖規避務須實心遴擇據實保舉奏聞送部引見候朕酌量簡用○又奏準武職預保各官原因要地需人是以行令各該將軍督撫提鎮簡選預保注冊向例無論新舊遇闕一體掣升惟是預保干總一項雖應掣升守備但六年俸滿即應離任非若預保應掣升副叅游都之人並不離任在部論俸可升在外遇闕得題者可比是以有預

保注册多年。尚未掣升。亦有甫經預保。即得掣升者。其先保之人。竟至守候無期。似屬偏枯。嗣後預保千總。遇有應掣守備員闕時。先將前次注册之人掣升。完日。再將其次注册之人掣升。○又奏準。江南浙江陸路守備員闕。第一次歸預保千總掣補。第二次歸候補人員題補。再有員闕。照此分用。

一題補事例。直隸河屯協副將都司。督標前後二營。各游擊守備。易州營。游擊守備。杜勝營。八溝營。各都司。馬蘭鎮標左右二營。黃花山。良鄉。

汛。房山汛。涑水汛。水東村。土城子。各守備。山東臨清營。膠州營。文登營。各副將都司。臺莊營。德州營。即墨營。各叅將守備。登州水師前營。游擊守備。寧福營。安東營。各都司。成山汛。余家巷。各守備。江南京口協副將。游擊守備。提標中營。蘇州營。淮安營。太湖營。吳淞營。川沙營。金山營。各叅將守備。提標左右前後四營。松江城守營。蘇松鎮標中左右奇四營。狼山鎮標中左右三營。劉河營。福山營。江陰營。廟灣營。鹽城營。海州營。泰州營。各游擊守備。京口水師營。柘林營。青村。



營。南匯營。黃浦營。楊舍營。孟河營。掘港營。佃湖  
營。小關營。東海營。各都司。江寧水師營。靖江營。  
青山營。三江營。各守備。福建督標中營副將都  
司。左右營。水師營。各叅將守備。撫標中營叅將  
守備。右營游擊守備。水師陸路各提標中營叅  
將守備。左右前後四營游擊守備。海壇金門各  
鎮左右二營游擊守備。福寧漳州各鎮標中左  
右三營游擊守備。南澳鎮標左營游擊守備。興  
化協。福州協。閩安協。各副將游擊都司守備。銅  
山營。長福營。同安營。烽火營。泉州營。各叅將都

司守備。桐山營。連江營。羅源營。漳州城守營。雲  
霄營。詔安營。海澄營。各游擊守備。安海汛。灌口  
汛。各都司。浙江撫標叅將守備。提標中軍叅將  
守備。左右前後四營游擊守備。定海黃巖温州  
各鎮標中左右三營游擊守備。杭州協。嘉興協。  
象山協。台州協。紹興協。平陽協。樂清營。瑞安營。  
各副將都司守備。乍浦營。鎮海營。太平營。寧海  
營。玉環營。各叅將守備。太湖營。大荆營。寧波城  
守營。温州城守營。各游擊守備。錢塘水師營。昌  
石汛。盤石營。各都司。海塘左右營守備。湖廣永

州鎮標中左右三營。鎮草鎮標中左右前四營。綏寧營。城步營。衛昌營。保靖營。各游擊守備。沅州。辰州。施南。永綏。各協都司守備。永順。寶慶。靖州。各協都司。武岡營都司。臨武。宜章。桂陽。九谿。各營中軍守備。陝西督標中軍副將守備。左右前後四營游擊守備。固原。甘肅各提標中軍叅將守備。左右前後四營游擊守備。安西提標中軍叅將守備。左右前後四營游擊守備。西寧涼州各鎮標中左右前後五營游擊守備。寧夏鎮標左右前後四營游擊守備。延綏。肅州各鎮標中左

右三營游擊守備。河州鎮標左右二營游擊守備。西鳳協。靖遠營。神木營。定邊營。洮岷營。西大通協。中衛營。花馬池營。永昌營。金塔寺營。永固城營。沙州協。靖逆營。各副將都司。建威營。固原城守營。甘州城守營。下馬關鎮。海營。平羅營。靈州營。鎮番營。大靖營。莊浪營。瓜州營。各叅將守備。洪廣營。玉泉營。廣武營。興武營。永安營。各游擊守備。紅德城營。平涼城守營。蘆塘營。西安州營。黃甫營。靖邊營。臨洮營。蘭州營。階州營。秦州營。循化營。北川營。高古城。阿壩營。鎮羌營。嘉峪

關。鎮彝營。洪水營。高臺營。山丹營。黑城營。大馬  
營。卜隆吉營。擺羊戎。各游擊。延綏城守營。常樂  
堡。嚮水堡。高家堡。鎮羌堡。孤山堡。鎮靖堡。安邊  
堡。歸德營。保安堡。岷州堡。舊洮堡。文縣營。白塔  
營。西寧城守營。西固堡。南川營。威遠堡。碾伯營。  
寧夏城守營。橫城堡。新城堡。涼州城守營。張義  
堡。蔡旗堡。安遠營。岔口營。三眼井。清水堡。肅州  
城守營。梨園堡。馬營墩。硤口堡。柳溝營。赤金營。  
黃墩堡。踏實堡。安西城守營。各都司。蘆溝堡。保  
寧堡。柏林堡。木瓜園堡。寧塞堡。磚井堡。石空寺。

古水井堡。同心城。安定堡。寧遠堡。水泉堡。高  
溝堡。西把截堡。土門堡。紅水營。松山營。威魯  
堡。南古城。平川堡。紅崖堡。巴煖三川。亦雜石  
莊。河拉庫托。塔爾灣。各守備。四川威茂協。泰  
寧協。各副將都司。普安營。綏寧營。瀘寧營。越  
嵩營。會川營。各叅將守備。提標中軍。成都城  
守營。各叅將。松潘建昌各鎮標中左右三營。  
漳臘營。疊溪營。靖遠營。會鹽營。戎邊營。各游  
擊守備。建武營。游擊平番營。安阜營。大壩營。  
馬邊營。嘉順營。懷遠營。永定營。寧越營。冕山

營各都司。南坪營守備。廣東三江口。春江協。虎門協。香山協。黃岡協。龍門協。瓊州協。澄海協。各副將都司守備。平海營。大鵬營。新會營。海門營。各叅將守備。碣石。潮州。各鎮標。中左右三營。瓊州鎮標。左右二營。左翼鎮標。中營。南澳鎮標。右營。新安營。廣海寨。惠來營。潮陽營。電白營。吳川營。海安營。欽州營。儋州營。萬州營。各游擊守備。雷州協。中軍都司。右營守備。碣洲營。都司。徐聞營。達濠營。各守備。廣西義寧協。副將游擊守備。雲南督標。中軍副將都司。左右前

後四營游擊守備。撫標。中軍叅將守備。右營游擊守備。提標。中軍叅將守備。左右前後四營游擊守備。臨元。楚姚。永順。鶴麗。永北。開化。曲尋。普洱。各鎮標。中左右三營游擊守備。騰越。劍川。廣羅。各協副將都司。景蒙。維西。新嶺。武定。尋雷。竒兵。各營叅將守備。順雲營。都司。貴州撫標。中軍叅將。提標。中軍叅將。安籠。鎮遠。各鎮標。中軍游擊。古州鎮標。中左右三營游擊守備。威寧鎮標。左右二營游擊守備。大定。黔西。定廣。都勻。清江。上江。各協副將游擊都司守備。銅仁協副將。及

右營游擊。長寨。黎平。台拱。丹江。朗洞。各營叅將守備。歸化。長壩。水城。畢赤。下江。荔波。各營游擊守備。凱里營都司。古州道標守備。以上各官。遇有員闕。該督撫提督於所屬應升人員內。簡選材技優長。諳練地方者。題補。○又定。直隸總河標左營副將都司守備。右營游擊守備。永定河營守備。河東總河標中軍副將守備。左右營游擊守備。濟寧城守營都司守備。黃運河營。懷河營。豫河營。各守備。江南總河標中軍副將都司。河營叅將。淮徐河營。淮揚河營。各游擊。豐。蕭。碭。

河營。銅。沛。河營。邳州河營。睢靈河營。宿遷河營。宿虹河營。桃源南岸河營。桃源北岸河營。桃源安清中河營。宿遷運河營。山清外河上營。山阜南岸海防河營。山清裏河上營。山陽裏河下營。高堰河營。山盱河營。高寶運河營。揚河江防河營。山安上河營。安阜黃河北岸河營。葦蕩左營。右營各守備。以上河營員闕。簡選熟悉河工之人。題補。河標員闕。簡選材技優長。諳練地方者。題補。○又定。各省例應在外題補員闕。本部無庸升選。將預保注冊之人。掣籤補授。如無預保。

注冊之人。行令該督撫提鎮簡選題補。如不得其人。題請於奉。

旨記名人內簡用。○又定。題補各官內。有弓馬生疎。人材不及。引。

見時奉。

旨交部察議者。將保題之督撫提鎮降二級調用。○又定。江西南湖鄱陽二營都司。南昌營守備。湖廣洞庭協副將都司。宜昌鎮標前營游擊。後營游擊。守備。荊州岳州漢陽常德四營守備。廣東肇慶營叅將守備。左翼鎮標左右營游擊守備。

東莞營都司。均係內河水師營。若遇員闕。停其將陸路人員推升。即以內河水師人員升補。如無合例應升補之人。行文該督撫提鎮於本省各官內。簡選諳練內河江湖情形者。酌量題補。○康熙三十年。覆準。巡捕營叅將。以游擊題補。游擊。以守備題補。守備。以千總題補。由步軍統領將諳練地方。材技優長者。簡選引。

見千總。以把總拔補。把總。以兵丁拔補。○六十一年。議準。題補官未經引。

見及引。

見已滿三年者均送部引

見未滿三年者停其送部○雍正八年議準福建廣東沿海水師各營及山東江南浙江沿海水師各營叅將游擊都司守備等官俸滿應升均加銜一等仍留原任遇有本省員闕係該員應升且人地相宜者該督撫提鎮酌量題補○十一年奉

旨武職中熟習水師之人甚為難得該管大臣若不於平日留心儲養何以收人地相宜之效每見督撫提臣中有將熟習水師人員題請調用陸路者此皆未

經周詳籌算之故著通行傳諭嗣後細加體察如在水師中為平常之員而長於陸路者準其調補陸路若係長於水師之員皆留俟水師員闕題補不可因陸路一時需人輕易改調以致用違其長○十二年奉

旨近來外省不應題補之官督撫提鎮等遞行題補者較前過多在部候選候補之人未免壅滯嗣後若實因地方緊要務須熟諳風土之人不得不題補者著於本內聲明亦只可將見任簡僻地方之官調補如此則員闕仍歸部選內外銓用方各得其平○又議

準武職合例之人應保題者俟部覆奉

旨後知照該督撫提鎮再給咨送部其不合例之人於保題本內聲明聽候部覆如奉

旨準其送部將該員給咨送部至遞行題補各官應送部者俟首題之人送部引

見奉

旨準補後再將以次題補之人陸續送部○乾隆元年議準水師人員奉

旨交部推用者發往有水師之省令督撫提鎮俟水師員闕酌量題補○又議準直隸秦寧鎮標游

擊守備各闕該督於應行升調旗員內簡選擬

定正陪題補○三年議準水師原有內河外海

之殊人材亦有宜於內河外海之別若不分晰

恐致誤用但內河水師之闕較之外海甚少內

河水師各官亦有熟悉水性宜於外海者若必

俟內河員闕方許題補未免壅滯嗣後該督撫

提鎮將內河水師各官詳加考覈宜於內河者

仍以內河用宜於外海者即題補外海并準其

預行保舉仍先分別造冊送部倘未經造冊之

先有將內河水師各官因其熟悉水性題補外



海員闕及預行保舉者該督撫提鎮即將該員熟悉外海水性之處於疏內聲明亦準其題補預保○又奏準督撫提鎮題補各官係有事故者均於疏內聲明免其議處若因公呈誤部議革職之人如奉

旨留任或經該督撫提鎮保題留任者若不俟開復遽請升用本內並不聲明者降一級調用至停升住俸降罰之事本內未經聲明者罰俸六月由部於議覆時即將具題之督撫提鎮一并議處○五年議準

簡發各省人員無歸班銓選之例必俟該省有在外應題之闕或題請補授或委署試用其題闕無多及並無題闕之省分遇有歸部推選闕出如有人地相宜銜品相當者該督撫提鎮於題報出闕本內聲明並出具切實考語準其將分發人員酌量應題補者題請補授應試用者題請署理俟署理果能稱職再請實授○六年奏準四川灌縣青雲沱地方增設守備一員定為在外題補○七年題準廣西義寧協左右二營游擊裁汰其原設左右二營守備內將左營守備

改爲中軍都司兼管左營事仍準在外題補○  
又奏準江南黃浦營都司裁汰提標右營改爲  
水師右營其游擊員闕簡選熟諳水師之人題  
補○八年奏準題補各官務須擇其人材出衆  
弓馬優嫻者方準保送其中或有効力年久著  
有勞績人材弓馬稍次者於本內叙入引  
見時聲明請

旨若効力年淺並未著有勞績考驗時有人材弓馬  
不堪者將應否引

見具奏候

旨遵行○又奏準福建漳州鎮屬詔安營增設守備

一員駐劄紅花嶺其員闕該督提簡選題補○

九年議準直隸天津鎮標左營四黨口地方爲  
私鹽出沒之所且界連山東綿亘三百餘里巡  
緝盜匪實屬緊要其守備未便歸部推選應令  
該督提簡選題補○又奏準福建漳浦營游擊  
守備原係部推之闕今俱改爲在外題補○十  
年覆準直隸馬蘭鎮標左營游擊係守護

陵寢重地提標中營叅將宣化鎮中軍游擊唐三營守  
備均係沿邊要區遇有員闕令該督提於通省

簡選人地相宜者題補○又奏準保題副將叅將倘該省一時無合例之人經督撫提鎮於本內聲明請

旨簡發補用者由部將奉

旨記名保列一等發回原任并卓異注册應用副叅人員開列職名請

旨簡發如無記名等項人員行文領侍衛內大臣鑾儀衛步軍統領各衙門於漢侍衛并巡捕營各官內簡選銜任相當之人引

見請

旨簡用○又奏準游擊以上閱俸二年都司以下閱

俸三年始準以應升之官題補○又題準雲南

曲尋楚姚兩鎮標中軍游擊仍準在外題補其

曲尋楚姚兩鎮標左右二營游擊及兩鎮標中

左右三營守備景蒙營叅將守備改為部推○

十一年題準福建督標左右二營叅將守備撫

標右營游擊守備陸路提標後營游擊守備福

寧鎮左營游擊守備桐山營游擊守備漳州鎮

右營游擊守備興化城守右營游擊守備福州

城守右軍都司原係題補今改為部推○又題

準陝西西鳳協副將并中軍都司建威營甘州  
城守營固原城守營各叅將并中軍守備紅德  
城營黑城營秦州營各游擊蔡旗堡碾伯營涼  
州城守營寧夏城守營西寧城守營肅州城守  
營延綏城守營各都司同心城守備原係題補  
今俱改爲部推○十二年奏準江南內河水師  
叅將止有太湖營一員原係在外題補今改設  
副將則內河叅將已屬無人嗣後太湖內河副  
將員闕準將川沙吳淞二營外海叅將題補至  
江南內河游擊十員均應升內河叅將今太湖

內河叅將一員已改副將內河游擊永無升  
轉之期而內河都司以下各官亦因之壅滯  
應令該督提將江南內河游擊詳加試看如  
果熟悉洋面情形宜於外海者簡選題明遇  
有外海叅將員闕準其題補曾預保者準其  
掣補再江南內河游擊原係水陸兼防營分  
倘內河游擊不能熟悉外海情形其中有長  
於陸路者亦令該督提詳加試看題明以陸  
路補用○又奏準雲南劍川協改爲劍川營  
維西營改爲維西協其原設副將叅將都司

守備仍準在外題補。○十四年議準四川設總督管巡撫事。除將撫標原有左右二營即改爲督標左右二營外。再增中軍一營。設中軍副將。并中軍都司各一人。由該督撫簡選材技諳練勝任者題補。至撫標原設叅將游擊。係歸部推選。今改爲督標左右二營。仍照舊歸部推選。○又覆準陝西安西提標原係中左右三營。今增設前後二營。各設游擊一人。守備一人。令該督簡選題補。○又議準直隸河道總督事務。既改歸直隸總督兼理。所有河標左營中

軍副將。改爲天津鎮屬務關路叅將。左營中軍都司。改爲務關路叅將中軍守備。至河標右營游擊。原係通州協張灣營守備。於雍正九年題改都司。今應改爲張灣營都司。仍屬通州副將兼轄。其右營守備。原係崔黃營守備。改設。今應仍改爲務關路崔黃營守備。至見今改設之張灣營都司。并務關路叅將。及中軍守備。地處衝要。爲舟車都會。催漕防汛。責任綦重。非諳練漕河之人。不克勝任。遇有員闕。均令該督簡選題補。○又議準四川阜和一營。在泰寧二百里之外。遠處極邊。爲西藏出入

要路且四面番夷環處各土司皆歸統轄其游擊一員守備一員均令該督等簡選題補○十五年議準四川建昌鎮屬之兒斯堡因賊番劫殺設立瀘寧營參將一員左右軍守備二員自設官以來番民漸次向化已將右軍守備裁汰近來番民皆已安靜應將參將裁汰又松潘鎮屬之漳臘營地處極邊原設游擊不足以資彈壓應改設參將其員闕仍準在外題補○十七年題準四川松潘鎮屬南坪一營孤懸番地應將守備改爲都司仍準在外題補○十八年議準福建漳州鎮標左營游

擊守備原係題補之闕右營游擊守備原係部推之闕海澄漳浦二營游擊守備亦原係題補之闕今海澄漳浦二營改爲鎮標左右二營所有游擊仍列爲題闕守備改爲部推其鎮標原有左右二營改爲龍巖平和二營係屬專營所有游擊守備均準在外題補○又議準四川威茂協副將移駐維州改爲維州協副將其左營中軍都司移駐舊保右營都司移駐雜谷關仍均準在外題補其威茂地方設茂州都司一員該督提簡選題補仍歸維州協副將管轄○又議準廣東增城營參將分

防增城龍門從化花縣四縣爲通省陸路叅將第一要關。應令該督提於通省合例人員內簡選題補。○又奏準。蘇松鎮標右營狼山鎮標左營各游擊。太湖協左營守備。均改都司。仍令該督提簡選題補。○又奏準。福建興化協左營漳州城守營閩安協左右二營各游擊。均改都司。仍準在外題補。○又奏準。浙江大荆營寧波城守營溫州城守營各游擊。均改都司。仍準在外題補。○又奏準。湖廣鎮筓鎮標前營游擊。改爲都司。仍準在外題補。○又奏準。陝西督標副將中軍守備。甘肅提標後營

涼州西寧各鎮標前後二營。興武營靖邊營臨洮營各游擊。均改都司。仍準在外題補。○又奏準。四川松潘建昌各鎮標右營游擊。均改都司。仍準在外題補。○又奏準。廣東瓊州鎮標右營游擊。改爲都司。仍準在外題補。○又奏準。雲南臨元永順鶴麗永北開化各鎮標左右二營游擊。均改都司。仍準在外題補。○又奏準。貴州古州威寧各鎮標右營。大定協左右營各游擊。均改都司。仍準在外題補。○又奏準。河東總河督標中軍副將中軍守備。改爲都司。仍準在外題補。○十九年議準。福建漳

州城守營守備。原係題補之闕。今改爲部推。○又議準。浙江海塘左右兩營守備。原係題補之闕。今海塘工程平穩。毋庸巡防。所有兩營守備。應行裁汰。將左營守備。改爲杭協城守營中軍守備。右營守備。改爲乍浦右營守備。其乍浦原有中軍守備。亦原係題補之闕。今改爲乍浦左營守備。以上守備三闕。均仍準在外題補。

一調補事例。江西廣信營。饒州營。各叅將。鉛山營。浮梁營。武寧營。永新營。各都司。福建臺灣總兵官。三年俸滿。由部將該省見任總兵官。開列具題。請

旨調補。臺灣協澎湖協北路協各副將游擊都司守備。臺灣城守營南路營各叅將守備。臺灣鎮標中左右三營游擊守備。北路淡水營南路下淡水營各都司。廣東崖州營叅將守備。廣西新太協副將都司守備。融懷營叅將守備。右江鎮標中左右三營隆林營思恩營各游擊守備。鎮安協慶遠協各都司守備。上林營龍憑營。蘆營。三里營。上思營各都司。東蘭營守備。雲南昭通鎮標中左右前四營游擊守備。鎮雄東川廣南元江各營叅將守備。以上各官。遇有員闕。該督撫簡選諳練老成。熟習風



土之人題請調補。○又定福建臺灣澎湖副將三年  
叅游都守二年。千把三年均屆期調補。○雍正二年  
議準廣東陸路各官內有情願効力水師者。於每  
年出洋巡哨時。隨同演習。果能熟習水務。可發縱  
使者。以水師員闕。或升。或調。酌量題請。○七年奉  
旨。凡遠省烟瘴地方文武官員闕。例將本省熟悉風土之  
人調補。朕思烟瘴地方大半係邊遠簡僻。若概行調補。  
不令升補。未免強幹之員。轉駐簡僻之所。止圖挨俸。無  
所表見。而才具可用。有志上進者。或生苟且因循之習。  
亦未可定。嗣後凡遇烟瘴地方文武官員闕。向例調補。

者。著該督撫提鎮等。於屬官內秉公酌量。若有可以  
題升之人。即具題請旨升授。若係應調之人。仍照舊  
調補。升調兼行。不拘一格。總期人地相宜。材職相當。  
以副朕鼓舞裁成之至意。倘有應行調補之人。不願  
前往。而該管上司聽其規避。或有不應題升之人。而  
該管上司徇情題升。經朕察出。定行從重議處。○八  
年議準福建臺灣水師營游擊守備廣東崖州  
水師營叅將守備俸滿之日。該督提察覈具題。  
調回內地。俟本省水師員闕。題請調補。○乾隆  
四年奉

旨廣西右江水土惡劣地方。其駐劄叅守等官。皆準分別年限報滿候升。而總兵官以係特簡大員。不準移調。於情理未協。應令該督撫悉心斟酌。或量移善地。駐劄如不便移駐。亦當於通省總兵官內。限年移調。著定議具奏。欽此。遵。

旨議準廣西右江總兵官三年俸滿。該督提題報到日。由部將左江鎮并附近右江鎮之貴州安籠鎮廣東右翼高州各鎮總兵官職名開列具題。恭候欽點一人調補。其所遺員闕。即將右江總兵官補授。○

七年奉

旨朕從前因右江總兵官員闕。地處邊瘴。水土惡劣。是以降旨。令三年調換。今二年之內。連故二鎮。朕心深為軫惻。覽本內開列之人。恐亦未必熟習右江風土。或於附近總兵副將內。熟習風土者。簡選升調一人。或將右江總兵官改為副將。并酌量移駐。與見在駐劄地方相離稍遠。以免瘴癘。著該部詳議具奏。欽此。遵。

旨議準右江鎮駐劄地方。水土最為惡毒。其員闕。雖將附近右江之貴州安籠鎮廣東右翼高州鎮同左江總兵官開列請

旨調補。恐未必熟習右江風土。難免瘴癘之虞。若遽議移駐。則邊疆要地。無重鎮彈壓。亦屬非宜。嗣後應令該督提於本省副將內。擇其熟習右江風土者。簡選題升。如本省副將不得其人。於廣東通省副將內。一并簡選。如仍無可題之人。該督提豫將二省副將無可題補緣由。報部。即比照吏部廣東瓊州府屬煙瘴地方。用附近雲貴等省人員之例。將各省見任副將內。籍隸兩廣湖南雲南貴州等五省人員。開列具題。恭候欽點補授。俟俸滿之日。即行報部。調回內地。遇有各

省總兵官員闕。由部具題請

旨補授。○八年議準。湖廣苗疆之沅州辰州施南永綏永順寶慶靖州七協副將。臨武宜章桂陽三營參將。遇有員闕。該督提於通省副將參將內。簡選調補。○十年議準。湖廣永綏靖州二協副將。桂陽營參將。係最要苗疆。如遇員闕。該督提先盡內地合例副將參將。簡選調補。如內地實無可調之人。於疏內聲明。由部將預保人員掣補。其沅州辰州寶慶施南永順五協副將。宜章臨武二營參將。係次要苗疆。如遇員闕。該督提

於內地簡選副將參將調補倘一時不得人地相宜由部以卓薦一等記名之人開列請旨補授○又議準臺灣水師陸路各外委員闕均就臺兵考拔三年報滿與內地外委互相調補○十八年奉

旨○右江總兵一闕地處邊瘴水土惡劣必得與該處服習者始可題補若所保人員內遇有降革事故該部即按例議駁恐一時難得相宜合例之人而總兵大員膺封疆重寄今祇由該督提簡選請旨補授亦非慎重簡畀之意嗣後右江總兵官將屆

俸滿著該督即於本省副將內預行簡選不必拘以有無事故但擇其人地相宜堪勝總兵官之任者擬定正陪送部引見候朕簡用○又奏準廣西右江鎮標左營游擊改為都司仍準在外調補一降調補用順治年間定提督降一級不補總兵官降銜一等借補副將如降二級及總兵官降一級均以副將用若降級多者依次以參將等官補用副將降一級補參將參將降一級補游擊游擊降一級補都司都司降一級補守備守備降一級補守禦所千總守禦所千總降一級補衛千總衛

千總降一級補營千總。營千總與門千總降一級補把總。把總無級可降。革職以上應補副將者。俟人文到部之後。遇有員闕。與應升之人。一同開列。參將以下。衛千總以上。挨班補用。應補營千總。把總者。到部後。分發各該員原籍附近省分。交該督撫提鎮與該省應行考拔之千總。把總一體考驗。拔補門千總降一級。應補把總者。分發巡捕營。以把總拔補。○康熙三十七年議準。巡捕營各官降級調用者。照所降之級。仍以巡捕營用。○雍正十二年議準。降級調用武職各官。如有奉

特旨從寬免其降調。仍以原官補用者。準以原官補用。餘按所降之級降補。○乾隆十七年奏準。外海水師降補人員。因並無部推之闕。該員等到部後。皆奏請引

見。或發往該員本省。或發往鄰省。有外海水師之題闕者。交與該督等。以該員應用之闕酌量題補。至內河水師降補人員。向來未有辦過成例。該員等一經降調赴部。其參將游擊尚有部推之闕。可以銓補。至守備一項。部推雖有八闕。先經奏準第一闕。用水師藍翎侍衛。第二闕。用造冊

送部選用之水師年滿千總。再有闕出。均照此輪用在案。是降調赴部應補內河水師守備。無班可歸。按內河水師守備題闕。江南十有二。廣東三。嗣後內河水師守備。照外海水師之例。遇有降調守備者。由部引

見請

旨。發往有內河水師守備題闕之江南廣東二省。交與該督等。與應補人員一體酌量題補。再察內河水師部推都司。只有四闕。亦經奏準補用水師藍翎侍衛。如有降補都司之人。亦無班可歸。

察內河水師都司題闕。江南四。浙江一。嗣後遇有降補都司赴部者。並照守備之例。一體辦理。一引

見事例。順治年間定。巡捕營叅將。游擊守備。及門千總。推升外任時。引

見請

旨補授。○康熙六十一年議準。在部投供候選副將以下。門衛千總以上。得選後引

見請

旨補授。其見任論俸推升叅將以下。守備以上。均停

其引

見由部具題奉

旨後將劄票封發該督撫提鎮詳加驗看如有年老有疾人材不及者即題明勒令休致部中別行推補如將年老有疾人材不及者給發劄票令其赴任不能供職將該督撫提鎮照徇庇例議處○雍正十一年奉

旨嗣後雲貴兩廣福建四川叅將以上人員除未經引見外若有引見已過三年應令赴京者著該督撫先行請旨不必即令起程

一升銜留任順治初年定武職記名各官已經選升別任者其原任除係水師營緊要者許該督撫提鎮題請以升銜留任外其餘一概不準○乾隆二年議準陝西甘肅四川廣西雲南貴州武職各官俸滿推升他省者應否以升銜留任請

旨遵行如升銜留任之員實能稱職該督撫等察明遇有員闕無論應選應題準其照升銜題補若推升他省因與人地相宜不便即令升去經該督撫等題留者其員闕或經補用有人該員遇

有本省題闕。準其題補。○十年議準。陝西甘肅四川廣西雲南貴州各官推升他省。經該督撫題留者。向係遇有題闕。準其題補。但該員原闕。或別經補用有人。而應題之闕。部中又以預保之人掣補。未免守候需時。應將陝西甘肅四川廣西雲南貴州題留各官。其原闕別經補用有人。留於該省候闕者。遇有該省應題之闕。停其將預保之人掣補。即將題留各官。按照相當之闕。指名請

旨補授。○十三年

諭。向來河工武職。原不諳營伍。該部論俸推升他處。既於營務無益。而河工轉少一熟練之人。是以該總河每每奏請留任。該部亦必議準。似此一升一留。習為故套。員闕又復久懸。殊非體制。嗣後此等河工武職。遇推升時。作何留工升用之處。該部定議具奏。欽此。遵

旨議準。江南河營參將一員。游擊二員。守備二十員。河東河營守備三員。直隸河營守備一員。若皆在本營題補。則大闕無多。而直隸河南山東各營。又無大闕可題。若皆以升銜留任。則千把以



及河兵難得進身之路。嗣後叅將如係小銜者。推升時加銜一等留任。直加至叅將銜仍留原任。於開列副將本內聲明。游擊如係小銜者。推升時加銜一等留任。直加至游擊銜仍留原任。有叅將闕題補。如無叅將闕。論俸推升。仍加銜留任。小銜守備遇應升時。加銜一等留任。直加至署都司銜仍留原任。有游擊闕題補。如無游擊闕。論俸推升。仍加銜留任。其守備員闕。仍照舊於河營千把總內簡選遞行題補。拔補以上游擊。應升叅將。署都司銜。應升游擊之守備。守

備。應升都司。其中果有弓馬優嫻。長於營伍者。該督預出考語。造冊送部。遇有河標應題之闕。與該員銜品相當者。亦準酌量題補。○十五年覆準。臺灣孤懸海外。遠隔重洋。必得熟練之人。方於地方有益。若調臺未滿。又復推升他省。頻易生手。實於要地未宜。應將臺灣見任游擊。如直較俸推升之時。停其推升他省。加銜一等。仍留原任。俟該員臺俸期滿。該督提題報照例升用。○十八年議準。內河水師各官。向與陸路通行較俸。遇應升時。有水師員闕。即行升用。若無

水師員闕皆加銜留任。按內河水師各官既必須以水師之闕升用。應止於水師內較俸升轉。其外海水師及河營各官均係在外題補。不由部推。但從前亦與陸路通行較俸。遇應升時加銜留任。仍俟題補。徒屬虛文。嗣後應聽各該督提酌量題升。均無庸與陸路較俸升轉。亦不必加銜留任。

一武職養親。乾隆元年議準。武職大小各官除見辦緊要機務不準告終養外。其餘父母祖父母年七十以上家無以次成丁。許回籍終養。或

雖有兄弟而篤疾不能侍奉。與母老雖有兄弟而同父異母。皆許回籍終養。其父母年至八十以上。雖家有次丁者。亦許回籍終養。各將終養情由呈報該上司詳明督撫提鎮取親供印結題明終養。倘有假捏規避。將本官革職。出結印官降二級調用。不行詳察轉報之該管上司罰俸一年。○九年

諭。向來文官原有親老調補近省之例。武職雖與文官不同。其為養親則一。但改歸本省補用殊多未便。若於附近省分改補亦屬可行。著該部議奏。欽此。遵

旨議準。武職各官。因親老改補近地者。發往原籍附近。有題闕省分。交與督撫遇闕題補。俟該員應補之日。該督撫報部。仍俟原授之任有闕。題請調補。

一病痊起用。康熙十一年題準。提督總兵官除年老有疾。題請休致外。其年力未衰。因患病回籍調理者。病痊之日。原籍督撫驗看具題。若在原任省分調理者。病痊之日。該省督撫驗看具題。均送部引

見候

旨簡用。○又題準。副將以下。衛千總以上各官。因病告請休致者。該督撫提鎮委驗。題請休致。若告病涉虛。本官草職。委驗出結。官降一級調用。具題之督撫提鎮。罰俸一年。提鎮告病。由總督驗明具題。無總督者。巡撫具題。若告病涉虛。本官降二級調用。代題之督撫。降一級留任。○雍正七年

諭。向來外官告病回籍者。不復再行起用。朕從愛惜人才起見。已降旨定例於該員告病之時。該督撫若看其居官尚好。即於本內聲明。俟將來病痊之後。赴部

引見仍以原官補用。文職已有此例。文武本屬一體。以後武職告病者。悉照文職之例行。欽此。○十一年議準。副將以下。衛千總以上。除年老有疾告休者。不復起用外。其年力未衰。一時患病。平日居官好。經該督撫提鎮題請解任調理者。於病痊之日。驗看具題送部引。

見仍以原官補用。○又奏準。營千總把總患病告請調理。除尋常供職者不復起用外。其有居官好人材尚可驅使者。該督撫提鎮委驗出結。於文內聲明。準其解任調理。病痊之日。報部補用。倘

規避捏飾。本官草職。委驗出結。官降二級調用。不行詳察轉報之該管官。罰俸一年。○乾隆八年奏準。武職除年老有疾告休者。不復起用外。其有年力未衰。一時患病。平日居官好。該督撫提鎮請解任者。游擊以下各官。準其回籍調治。俟病痊之日。即令原籍督撫照例驗看具題。送部引。見仍以原官補用。至副將參將。令該督撫提鎮於題請解任調理本內。將應否令其回籍之處。聲明請

旨。○十七年奉

旨。兵部議奏。滿千總因親老請改補近省一摺。滿洲

在旗原有行走之處何必改補近省。嗣後此等員弁如有以親老爲請者皆著回旗在原處行走。○十八年議準巡捕南營游擊先因推升四川撫標右營游擊奉

旨以升銜留任今病痊起用例應坐補原闕但旗員若照綠營官員坐補原闕之例發川候補於旗員體制甚爲未妥請將該員發交巡捕營仍以游擊補用嗣後旗員遇有升任遠省以親老留任仍應坐補原闕者即照此辦理。

一迴避事例原定雙月單月選補各官均迴避本省。○又定外海內河水師及河營各官不拘本省之人均準題補。○又定屬官於上官有錢糧盜案考覈賢否等項屬其管轄若係同族雖服制已遠而聚族以處者令官卑者迴避至支分派遠散居各省各府籍貫迥異者毋庸迴避若在五服之內雖住處不同仍令迴避其外姻親母之父與兄弟妻之父與兄弟已之女壻嫡甥均令官卑者迴避如有應迴避不行申報迴避者降一級調用。○雍正十一年議準預行保舉各官亦應分別迴避嗣後陸路都司以上於本籍五百里外員闕叢掣

補用守備於隔府別營員闕。籤掣補用。至水師各官。不拘籍貫營分。遇有該員應升之官。準籤掣補用。○乾隆五年奏準。開列陸路總兵官時。仍將迴避本省之處。於摺內聲明。○九年議準。有題闕省分。除水師河營各員闕。毋庸迴避本省。其內地陸路各官。籍隸他省者。原屬居多。遇有員闕。將他省之人簡選題補。本省之人。槩不得題補本省之闕。如該督撫提鎮等違例題補者。交部議處。至邊疆苗疆各官。亦應迴避本省。但地方既屬緊要。用人稍當變通。如遇員闕。令各該督撫提鎮。先盡籍隸

他省之人。簡選勝任者題補。如果無籍隸他省之人。照預保之例。陸路都司以上。於本籍五百里外。守備於隔府別營。均準其題補。仍於疏內將無他省之人可題。及該員籍貫營制里數。逐一分晰聲明。給咨送部引

見恭候

欽定。如再不得其人。令該督撫提鎮奏請。由部將卓薦保列一等記名之人。開列請

旨簡用。○又議準。八旗滿洲補用外任。從前並未議及應行迴避之例。但綠旗各官。定例內服制已遠。而

聚族以處者。仍令迴避。其支分派遠。散居各省各府者。毋庸迴避。至滿洲親族。服制雖遠。其住居皆在京師。非若漢人散居各省各府者。可比。似應與綠旗武職迴避之例。稍加分別。嗣後八旗補用外任者。係五服之內。令其迴避。其五服以外。服制已遠。毋庸迴避。○十二年議準。副將參將。無論水師陸路。均迴避本省。游擊都司守備。準於五百里外。及隔府別營題補。至千總本係微員。發往他省。不無俯仰拮据之慮。仍畱本省題補。不必迴避。○又議準。河營參將員闕。令該督於籍隸他省之河員

內。簡選題補。如果無籍隸他省熟諳河務之人。準於本籍人員內保題請

旨補用。仍將緣由於保題疏內聲明。○又覆準。副將參將。原係大員。恐滋瞻顧廢弛之弊。是以均令迴避本省。但水師與陸路不同。若必盡用他省之人。恐一時不能熟練情形。反於水師無益。嗣後陸路副參仍迴避本省。其水師副參。毋庸迴避。倘瞻顧廢弛。擾累地方。該督撫提鎮題參。從重議處。○又覆準。預保注冊。應升副參之參。游內有籍隸本省者。於鄰近省分調掣。江蘇安徽。互相調掣。湖北湖南

互相調掣。雲南、貴州、互相調掣。福建、浙江、廣東、互相調掣。陝西、甘肅、四川、互相調掣。○十五年議準。定例內地陸路各官，不得題補本省之人。至邊疆苗疆各省，如無他省之人可題，本省之人自都司以上，於本籍五百里外，守備於隔府別營，均準其題補。原指邊疆苗疆之省而言，乃各督撫提鎮有將內地陸路均援此例題請者，實與定例不符。嗣後雲南、貴州、四川、廣西、陝西、甘肅、湖廣等省，地處險要，及切近苗獍之營汛，仍照例聲明辦理。其餘內地，槩不準援照此例題請。如仍違例題請，將

該督撫提鎮請

旨交部議處

一丁憂事例。順治初年定武職大小各官，遇有親喪，在任守制二十七月，照常供職，不準回籍。○康熙二十六年議準，提鎮丁憂，由督撫題報，副將丁憂，屬將軍轄者，由將軍題報，屬督撫轄者，由督撫題報，其專屬提鎮轄者，由提鎮題報，皆離任回籍守制。服滿之日起，文赴部候補。參將以下，遇有親喪，皆在任守制。○雍正二年議準，參將以下各官，遇有親喪，除軍機調遣，不準給假治喪外，其餘無



論獨子與非獨子。父母在任故者。準給假歸葬。在籍故者。準給假奔喪。該將軍督撫提鎮。酌量定限。如任所與原籍近者。不得過六月。遠者不得過十月。將給假日期報部。事畢依限回營。若於定限之外。借端遲延逗留者。照赴任違限例議處。衛所官親喪。亦照此例行。若見在運糧者。運糧回日。準其給假。凡遇親喪各官。二十七月之內。遇

朝賀祭祀一應慶典。免其齊集行禮。未滿服制之前。不行升轉。較俸升轉之時。將回籍治喪離任日月扣除。○七年奉

旨。官員在任守制者。若遇朝賀筵燕祭祀典禮齊集之處。準委屬官代行。再官員偶患風寒肢體等疾。亦準委屬官代行。其代行緣由。提鎮報明禮部。副叅以下。報明督撫提鎮。○十三年十一月奉

旨。三年之喪。不得嫁娶。違者奪爵褫服。○乾隆三年。議準。官員出繼為人後者。過本生父母身故。提鎮由督撫題報。副將由該管之將軍督撫提鎮題報。皆準回籍治喪。一年限滿。起文赴部候補。叅將以下各官。除軍機調遣。不準給假。其餘報明督撫提鎮。給假回籍治喪。依限回營辦事。以

聞訃之日爲始。一年內停其升轉。至較俸升轉之時。將給假離任日月扣除。○又議準。見任官遇有親喪。未經報部之先。已論俸推升。其原任已補授有人者。令赴新任辦事。接扣服滿日報部。如報部之時。原任尚未補授有人者。將所升之任扣除別補。該員仍留原任。俟服滿後再行升轉。○四年覆準。定例參將以下。在任守制。服未闋之前。不準升轉。此原指見任實授之官而言。至分發各項候補人員。到營之後。隨衆差操。適遇親喪。若不準其委署。則無俸薪養廉。難免

拮据。况其間有才技兼優之人。恐日久閑曠。不免生疎。嗣後各項候補人員。遇有親喪。除於二十七個月內。不準題補拔補外。若遇人地相宜之任。準其一體簡選委署。俟服滿後。照例題補拔補。○六年奏準。在部候選候補各官。於籤掣得官之後。未經給劄之先。遇有親喪。取具同鄉京官印結。令其回籍守制。俟服滿時。起文赴部候補。如已經給劄者。照見任官例給假治喪。○十二年

諭副將丁憂者。例應離任守制。俟二十七月期滿始

行補用。但旗員向皆持服百日。期滿即行當差。並不俟二十七月。且滿洲官丁憂後。三年內並無差事。閑散安居。不但於生計無益。人亦漸至頹惰。嗣後除提鎮內丁憂者。皆深知簡用之人。朕酌量委用外。其選用副將之旗員內。遇有丁憂。係由侍衛升用者。著在頭等侍衛上行走。由前鋒叅領護軍叅領。驍騎叅領等官升用者。著在各原處行走。遇叅領副叅領員闕。即行坐補。由世爵升用者。著仍在原職當差。若由步營及王府升用者。原處無品級相當之闕。臨時著該旗辦理。具奏請旨。以便酌

量委用。俟守制二十七月期滿。應行補用時。仍著照例補用。欽此。

一停止入籍。康熙五十年議準。見任及丁憂休致。事故解退之提鎮。并副叅游都守等官。皆不許在任所置立產業入籍。如有已經置立者。限六月內變賣回籍。○五十一年奉

旨。武職駐劄地方。不許入民籍。立產業。其已立產業者。令變賣回籍。若身故後有實不能遷移者。督撫察明具奏請旨。○雍正元年議準。提鎮副將。均係大員。不許在見任地方置立產業。即丁憂休致。事故解

退之後亦不許在彼入籍居住。此內或於任內置有產業已經身故實有不能回籍者該督撫具奏請

旨。參將以下各官任所置有產業或本身丁憂休致事故解退或已經身故子孫畱任任所有欲在彼入籍者該地方官報明督撫準其入籍居住。田土丁糧與土著一體輸納。○乾隆二年議準緣事草職之員果無原籍可歸如任所安葬祖父墳墓閱年已久不得已欲在彼入籍者副將以上等官該督撫具奏請

旨。參將游擊都司該督撫察覈報部由部移咨該員原籍如果無產業宗族該原籍地方官出具印結送部準其入籍如係假捏將本人照例治罪。押令回籍不行詳察出結之地方官照濫行出結例議處。至守備以下草職微員原籍如果無產業墳墓取結報部準其入籍。○十八年

諭各省武職大員在任所置立產業身故後子孫不能回籍該督撫代為具奏請旨者多即準行。及按之定例則武職原不許在任所置產入籍。康熙年間曾通行稽察予以半年之限勒令回籍。隨降旨

設有身故者。準令代奏請旨。此蓋辦理之初。加恩寬卹。而其後遂相沿成例。此該部濫觴。非初制也。武職雖無民社之寄。然於在任時。憑藉威勢。安保無營私侵占諸弊。且以建旄節之大員。求田問舍。多方爲子孫計。又安望其能整飭營伍。彈壓地方。耶。苟非生前置產。則身故以後。子孫當經營歸殯。又何暇置產。其有產者。率在任時違制所置。督撫不行參出耳。嗣後武職大員。仍照舊例。不許在任所置產入籍。督撫亦不得代爲奏請。該部通行傳諭知之。欽此。

一更復姓名。康熙三十七年議準。官員改復本姓名者。參將以上。該督撫等具題。游擊以下。均咨部注冊。該督撫仍於年底彙題。各照改復姓名。換給劄付。

國



11

